

la viktor medranos cu finti la'e lu nonon ze
daplu li'u

ni'oni'o coi rodo mi'e viktor medranos mi'e
nonon mi pu jbena fo la pilipinas i mi ca
zvati le kadno i lo grute zo'u mi xagji lo
rutrkoko e lo rutrsizigi'u e lo zduriane e lo
tca'anka e lo krambola i la za'e xobis zo'u
mi djica lo runbau e lo kensa e lo ba'e cidja
i lo mi se klama zo'u lo gugde cu so'ime'i i
ne'i loi dilnu mi daplu pe'a

ni'o le citri zo'u mi co'a lo 1966 pi'e 01 pi'e
12moi co'u 1976 pi'e 06 pi'e 15moi zvati la
pilipinas i mi co'a lo 1976 pi'e 06 pi'e
16moi co'u 1992moi zvati le kadno i mi co'a
lo 1992moi co'u 1994moi zvati le ponjo i
ne'i lo 1994moi mi zvati le merko i co'a lo
1994moi mi zvati le kadno i ne'i la
pilipinas mi pu zvati le kezon ze'i tcadu noi

zvati la manilias poi gugypau ku'o ku'o e la
iba'an noi zvati la batangas poi gugypau ku'o
ku'o i ne'i le ponjo mi pu zvati la tokios i
sa'e mi cu xabju la io, iogis ne'i la cibuiakus
vi la cinjukus i ne'i le merko mi pu zvati la
redmond poi zvati la uacintyn ku'o i ne'i le
kadno mi pujeca zvati le lulus zeidaplu e la
vankuvyr ne'i la bycys

ni'o le gunka zo'u mi cu samru'e ciska

ni'o le mi lijda zo'u budjo gi'a me le ruxyjda
poi me la animizm ku'o co'a lo verba i ku'i
le mi lanzu cu xrisrkatoliki gi'a xrisrbaptisti
gi'a xrisrpentekosta i lo danlu a lo spati cu
simlu lo ka minji i da'inai lo remna cu
danlu

ni'o mi pu 6moi tarbi ne'i le mi lanzu i ku'i
mi ca 2moi jmive panzi i le 1moi 4mei tarbi

cu morsi

ni'o mi pu klama lo 25 gugde noi xazdo je
ropno je frico je bemjoitco

ni'o mi prami lo ba'e xanri

ni'o le mi nelrai bisyladru cu narju je xekri
me la taigr

ni'oni'o la pilipinas cu xazdo gugde vi le
baxso to meljo gi'a bindo toi i glare
timymo'a i zasti fa lo badna e lo rutrkoko e
lo rutrpaupau

ni'o lo daplu zo'u so'ime'i i semau 7100me'i

ni'o lo prenu cu so'ime'i je ji'i 100ki'oki'ome'i

ni'o le lijda zo'u le xrisrkatoliki cu ba'e
so'emei i le muslo cu so'omei i le
xrisrxaglipaiani e le xrisrxiglesianikristo e
le xrisrdjexovas,uitnesi e le xrisrmormoni cu
so'ime i le budjo e le dadjo cu so'omei

ni'o le bangu zo'u so'a le prenu cu tavla
kakne bau le bangrtagaloga noi
bangrxaustronesia i ne'i la pilipinas lo
bangrxaustronesia cu semau 165mei i le
glico tcidu kakne prenu cu so'ime i le spano
tcidu kakne prenu cu so'ime i le
bangrtcabakano cu spano bangrkre,iolo ne'i
la pilipinas ne'i le 6 tcadu poi me la
zambuangas e la davaus e la ternates e la
kavites e la kotobatos e la ermitas i le jungo
bangu zo'u so'u le prenu cu tavla bau le

jungrxokiēni

ni'o le barda ralju bo tcadu cu me la
manilias ne'i le luZON zei daplu i lo tcadu
prenu cu so'ime'i i semau 10ki'oki'ome'i

ni'o le prenu mixre zo'u lo prenrxaustronesia
to baxso toi cu so'ime'i i ne'i le prenu
mixre zo'u lo spano je jungo jgina cu so'ime'i i
lo drata prenu jgina cu zasti

ni'oni'o le mi tcidu cukta zo'u so'ime'i i le mi
nelrai finti zo'u so'ime'i i zasti fa la jyryrys
tolkien e la ursulias kys lys guin e la oliaf
steipldyn e la frank xerbert e la tys lobzan
rampas e la pirs antonis e la aizak azimov e
la tovys ianson e la artur cys klark e la an
mykafriis e la robert xeinlein e la samuel

rys deleinis e la reis bradbyris e la doris
lesin e la liaris nivn e la edgar rais buros i
mi prami le skefi'a e le makfa cfika

ni'o la'e lu me la silmarilion li'u cu nelrai
se finti la jyryrys tolkien

ni'o la'e lu prula'i remna gi'e 1moi remna
li'u cu nelrai se finti la oliaf steipldyn

ni'oni'o zasti fa le saske e le makfa i xu ri cu
drata

ni'oni'o la viktor medranos cu cfagau le vi se
finti ne'i lo 2011 pi'e 11 pi'e 21moi i le vi
se finti prula'i bo te galfi zo'u me lo 2012
pi'e 09 pi'e 06moi